

für Schaden gewarnet / sondern sich zu schlaffen niedergeleget / vnd das Werck andern befohlen / vnd so lange geruhet / biß daß das Fewr vberhand genommen / vnd fast ganz Europam hat erfüllet. Da das geschehen / stehet er endlich auff aus dem schlaff / erhebet ein groß Geschrey / ruffet: Ketzer / Schwärmer / Verführer: Vnd wil wehren / da kein wehren mehr seyn kan / da es allenthalben brennet / denn es heisset: Principijs obsta, serò medicina paratur. Derhalben ist Osiana der einem vntrewen Wächter / der eine Stadt sol bewachen vnd bewaren / gleich. Dieser ob er wol sihet in der Stadt ein schädlich Fewr auffgehen / dennoch machet er kein Geschrey / sondern schweiget still / vnd leget sich nieder zu schlaffen / weil er meynet / andere seine Mitgesellen / werden die Gefahr wol anmelden / welches da es nicht geschehen ist / stehet er endlich auff mit grossem Geschrey. Also machet es auch Osianer / vnd gibt an den Tag / was er für ein Wächter vnd Diener Christi sey.

S iiii

Be